

SCRIPTA

Numéro Scripta : 1137

Auteur(s) : Richard Pinel de Ver [particulier]

Bénéficiaire(s) : Bayeux, Notre-Dame (cathédrale)

Genre d'acte : charte

Authenticité : non suspect

Datation : 1247, mars

Action juridique : donation

Langue du texte : latin

Analyse

Richard Pinel donne à l'église de Bayeux deux rentes sur une terre et un masuage à Ver pour l'obit de Jean d'Oenville, chanoine : les exécuteurs testamentaires de celui-ci lui versent 8 livres tournois.

Tableau de la tradition

Éditions principales

a. Bourrienne Valentin (Abbé), *Antiquus cartularius ecclesiae Baiocensis (Livre noir)*, Rouen-Paris, Lestringant-Picard (Société de l'histoire de Normandie), 1902-1903, 2 vol., n° CCCXLVII, t. 2, p. 67-68.

Dissertation critique

Mars 1246 est proposé par V. Bourrienne. Cf. Pâques tombe le 6 avril en 1246 et le 31 mars en 1247.

Texte établi d'après a

Sciant omnes præsentes et futuri quod ego Ricardus Pinel de Ver dedi et concessi Deo et ecclesie beatæ Mariæ Baiocensis, in puram et perpetuam elemosinam, liberam et quietam in omnibus, ob salutem animæ meæ et antecessorum meorum, sex quartarios frumenti, ad mensuram de Ver, percipiendos annuatim in una acra terræ sita in territorio de Ver, scilicet ad Nigras terras, inter terram Torgisii Le Gruer et terram Johannis Le Breton, et tres solidos Turonenses percipiendos annuatim, ad festum sancti Gabrielis, in masuagio quod filii Morin tenent de me apud Ver, videlicet ad recolendum obitum bonæ memoriæ Johannis de Oenvilla, quondam canonici Baiocensis, singulis annis in ecclesia Baiocensi, secundum consuetudinem ejusdem ecclesie. Concedo autem quod ego vel hæredes non possimus dictam acram terræ, et redditum quem habemus in dicto masuagio, vendere, vel aliquo modo alienare, quum prædicta ecclesia possit singulis annis prædictum redditum percipere in eisdem. Si autem prædicta terra et prædictum masuagium tantum non valent, volo et concedo quod custodes reddituum prædictæ ecclesie, vel eorum nuncius, per totum feodum mei et meorum hæredum qualemcumque voluerint justiciam valeant exercere, pro redditu memorato. Ego autem et hæredes mei tenemur dictæ ecclesie dictum redditum contra omnes garantizare, vel excambiare ; et pro hac garantizatione a me et meis hæredibus facienda, executores testamenti dicti Johannis dederunt mihi de bonis illius octo libras Turonenses. Quod ut firmum, et cetera. Actum anno Domini millesimo ducentesimo quadragésimo sexto, mense martii.